

O'zbekiston texnik jihatdan tartibga solish agentligi hamda uning tizim tashkilotlari tomonidan **2024 yil** davomida amalga oshirilgan ishlari

2024 yil davomida texnik jihatdan tartibga solish, muvofiqlikni baholash, metrologiya va standartlashtirish sohalarida bir qator **amaliy ishlar amalga oshirildi**.

Birinchidan, **2024 yil**da sohani rivojlantirish va qo'llab-quvvatlash borasida **20 ga** yaqin O'zbekiston Respublikasi Prezidenti va Hukumatining qarorlari qabul qilindi.

Ikkinchidan, **2024 yil**da mahalliy eksportbop mahsulotlarga taalluqli **1 739 ta** xalqaro va Yevropa standarti qabul qilindi.

373 ta – to'qimachilik, charm-poyabzal, **202 ta** – elektrotexnika, **247 ta** – qurilish, **339 ta** – oziq-ovqat, **348 ta** – kimyo va **230 ta** – boshqa sohalar.

Natijada, milliy standartlarning xalqaro standartlar bilan uyg'unlashish darajasi **24,7 foizdan 30,6 foizga** yetkazildi.

Uchinchidan, **Jahon savdo tashkiloti talablariga mosligi** bo'yicha **2 668 ta (104%)** standartlarning qayta ko'rib chiqildi.

To'rtinchidan, **Latviya, Koreya, Xitoy, Slovakiya** davlatlari, Germaniyaning **PTB**, Koreyaning **KOICA**, Turkiyaning **TIKA** tashkilotlari, Xalqaro savdo markazi (**ITC**), Xalqaro Elektrotexnika Komissiyasi (**IEC**), Xalqaro standartlashtirish tashkiloti (**ISO**), Islom mamlakatlarining standartlar va metrologiya instituti (**SMIIC**) bilan hamkorlik to'laqonli yo'lga qo'yildi.

Beshinchidan, **Global sifat infratuzilma indeksi (Global Quality Infrastructure Index (GQII))** reytingidagi yuqori **50 ta** davlatning **11 tasi** (**AQSh, Angliya, Yaponiya, Argentina, Turkiya kabi**) bilan ikki tomonlama manfaatli hamkorlikga qaratilgan hujjatlar imzolandi.

Oltinchidan, Texnik qo'mitalar faoliyati qayta ko'rib chiqilib, **18 ta** texnik qo'mita qaytadan tashkil etilib ularning soni **32 taga** maqbullashtirildi. Shuningdek, Xalqaro standartlashtirish tashkilotlarining (**ISO, IEC**) texnik qo'mitalaridagi a'zolar soni **256 taga (17 ta to'laqonli, 239 ta kuzatuvchi)** yetkazildi.

Yettinchidan, Xalqaro standartlarni joriy qilingan korxonalar sonini **10 barobarga** oshirib va ular sonini **5 mingga** yetkazish maqsadida, **2024 yil**da rejalashtirilgan **1 200 ta** mahalliy korxonadan **1 358 ta (113%)** korxonada sifat menejmenti tizimlari joriy etildi.

Sakkizinchidan, O'zbekiston Markaziy Osiyoda **ikkinchi bo'lib** vaqt va chastota xizmati muvofiqlashtirilgan **universal vaqti UTC**ni shakllantirishda Xalqaro atom vaqti (**TAI**) **guruhiga a'zo bo'ldi**, natijada O'zbekiston o'zining **milliy vaqt shkalasiga** ega bo'ldi.

To'qqizinchidan, KOOMYeT prezidentligi saylovi o'tkazilib, unda **ilk bor** O'zbekiston vakili, O'zbekiston milliy metrologiya instituti direktori KOOMYeT prezidenti lavozimiga tasdiqlandi.

O'ninchidan, metrologiya sohasini an'anaviy etalon foydalanuvchisidan – **etalon ishlab chiqaruvchisi**ga transformatsiya qilish maqsadida **4 ta** texnik yo'nalishdagi oliy ta'lim muassasalari bilan hamkorlikda **7 ta** etalon va yuqori aniqlikdagi o'lchash vositalarini yaratish ishlariga start berildi.

O'nbirinchidan, KOOMYeTning 1.6 "Massa va unga bog'liq kattaliklar", 1.10 "Termometriya va termofizika" hamda 1.9 "Ionlashtiruvchi nurlanishlar va radiofaollik" Texnik qo'mitalarining navbatdagi yig'ilishlari **ilk bor** O'zbekistonda o'tkazildi.

O'nikkinchidan, Standartlashtirish, metrologiya va sertifikatlash bo'yicha davlatlararo kengashi (MGS)ning "Luchshiy molodoy metrolog MGS SNG 2024" xalqaro pilot tanlovining "Luchshiy molodoy metrolog MGS SNG 2024 v sfere prakticheskoy metrologii" nominatsiyasida institutning mutaxassislari **I** va **III** darajali g'olib sifatida e'tirof etildi.

O'nuchinchidan, Koreya Texnologiya va standartlar agentligi (KATS) va Koreya standartlari assotsiatsiyasi (KSA) tomonidan standartlarni tushunishni osonlashtirish va ularning ahamiyatini keyingi avlodga singdirish maqsadida 2024 yil 12-14 avgust kunlari Koreyaning Seul shahrida bo'lib o'tgan Xalqaro standartlar olimpiadasida **ilk bor** O'zbekiston vakillari ishtirok etib **bitta oltin** va **bitta kumush** medal olib qaytdi.

O'nto'rtinchidan, Xalqaro tarozi va o'lchovlar byurosining (BIPM) bazasida **ilk bor** Respublikamizning jami **5 ta** kalibrlash va o'lchash imkoniyatlari to'g'risidagi yozuvlari (*SMS-qatorlar*) ro'yxatga olindi.